

AKASHVANI AIZAWL

REGIONAL NEWS UNIT

GOVERNORS UNIT CITATION

Larsap General (Retd) Vijay Kumar Singh ah vawiin khan 20th Battalion Assam Rifles hnenah hnathawh that chawimawina Governor's Unit Citation a hlan.

Lok Bhavan Durbar Hall-a Investiture Ceremony neihah Larsap chuan Indo-Myanmar ramri buai em em laia ramri venhim hna thawh kawnga battalion hmalaknate chhuanawm a tih thu sawiin, enforcement agency dang leh intelligence unit lamte nen tha taka thawk hovin, ramri kaltlanga ruihhlo tawlh leh dan lova sumdawnna hrang hrang ven kawnga an hnathawhnte fakawm a tih thu a sawi bawk.

Larsap chuan India hmarchhak venghimtu leh tlang mite thian nihna chawinunga khawtual mite nen lungrual taka an thawk ho thin leh mipui vangtlang rawngbawlina hrang hrang tha taka an kalpui thin chu fakawm a tih thu sawiin, hei hian sipai leh mipui inkarah inpawhna tha zawk siamin Asaam Rifles thuvawn Seva, Suraksha and Bandhutva (Rawngbawlina, Venhimna leh Inunauna) chu a takin a rawn pholang a ni, a ti a. Mizoram tana battalion hnathawh leh thil hnutchhiahte hriat reng a nih tawh dawn thu sawiin, a hnu zela awm ten tha taka an chhunzawm zel a beisei thu a sawi.

20th Battalion Assam Rifles-te hi 23 Sector HQ Assam Rifles, Aizawl hnuaiah November ni 12, 2023 atanga March ni 19, 2026 chhung khan Lunglawn, Lungleiah an awm a ni.



SEWERAGE

Chief minister Pu Lalduhoma chuan kum 2047-a India in rtam changkang dinhmun a luah theihna tura sorkar laipui ruahmanna Vikshit Bharat hrulah Vikshit Mizoram an dawng ve a ti a,

Rorellai ZPM Party chuan vawiin khan an Party pisa ah chhung inkhawm an nei a, thu sawitu Chief Minister Pu Lalduhoma chuan, India ram zalenna kum 100-na a thlen hunah Mizoram chuan India GDP-ah 1% tal thawh ve tumin Vikshit Mizoram hnuaiah hma a lak mek a ni a ti a ni.

Pu Lalduhoma chuan an sorkar lai term chanve a thlen tawh thute sawiin, Minister hrang hrante'n an department chan theuhah hna an thawh that thu a sawi bawk.

Chief Minister chuan India ram chhungah a tha zawngin Mizoram a thang mek tih sawiin, an party mi kal khawmte chu mipui tana roreltu sorkar an ni tih theihnghilh lo tur leh mipui te nena thawhho a pawimawh thu a sawi.



ACCIDENT STATS

Mizoramah kum 7 kalta chhung kum 2019-2025 chhung khan lirtheia chetsual tum 652 chhinchhiah niin, heng chetsualna avang hian mi 560 an thi a; tlan chak lutuk vanga chetsualna tam berin, thi zingah hian kum 25-35 inkar an tam ber.

Mizoram Police-in lirtheia chetsualna (road accident) an chhinchhiah danin, kum 2019-25 chhung khan Mizoram hmun hrang hrangah lirtheia chetsualna tum 652 a thleng a, heng chetsualnaahte hian mi 560 thiin, tlan chak lutuk (over-speeding) vanga chetsualna 296 a awm a, tlan chak vanga chetsualna thlengah hian mi 260 an thi a ni. An chetsual chhan hriat theih chinah rui chungah lirthei khalh vanga chetsualna tum 120 thlengah mi 93 an thi bawk.

Lirtheia chetsualna vanga thite hi lirtheia chuangte bakah kawnga kal leh awmte an ni a; chengsualna vanga thi zingah kum 25-35 inkar zaa 20 vel awmin an tam ber a. Kum 2019-25 chhungah lirtheia chetsualna thleng 652 chhinchhiah zinga tum 310 hi kawng ngil pangngai -a chetsualna niin a tam ber a; kawng kual -a chetsualna thleng 256-in a dawt a ni.

Chetsualna vanga thi zingah pawh kawng ngila chetsualna vanga thi 240 leh kawng kualah chetsualna vanga thi 236-te chu a tam ber leh a dawttu an ni bawk.



IMD

Khawchin thlirlawkna India Meteorological Department (IMD) in a tihchhuahah Sub Himalayan West Bengal leh Sikkim ah te naktuk thlengin ruah nasa taka a sur rin a ni a, Arunachal Pradesh, Assam, Meghalaya, Kerala leh Mahe ah te pawh nilaini thleng sur chhunzawm tura hmuhlawk a ni,.

Hetihlai hian Haryana, Chandigarh, Delhi, Bihar leh Uttar Pradesh te chu khawlumin a tuam chhunzawm dawn a ni.

Mizoramah pawh tunkar chho hian ruah a sur leh rin a nih thu IMD, Aizawl Director Pu Sudheer Kumar Dwivedi chuan a sawi a, a bikin Kolasib, Aizawl, Mamit, Serchhip, Lunglei, Lawngtlai, Siaha, leh Champhai-ah te ruah a sur tam deuh a rinawm tih a sawi.

